


JESUS OLEAGA ETXEBERRIA (1914-1998)

Bilbo, 1998-04-24

Zeanurin jaio zen 1914-ko uztailaren 7-an, Ibarreta etxean, herriaren erdi inguruan.

Haren aita, Nazario Oleaga Muguruza, Zeanuriko Udalaren idazkari zen eta abokatu bulegoa zuen Bilboko Jardines kalean. Euskaltzaindiaren idazkari ospetsu urte luzeetan izango zenak euskaltzaletasuna eta abokatutza itsatsiko zizkion, betiko, jaio berriari. Bi ardatz hauen gainean eramango zuen aurrera Jesus Oleagak bere bizitzaren gurdia bide zabal eta estu, lautada, trango eta basatzatan zehar.

Oroimen apartaren jabe zen eta, esaten zuenez, 1922ko irailean bere aitak Gernikara eraman zuen Eusko Ikuskuntzaren III. Biltzarrera. Jesusek zortzi urte besterik ez zituen. III. Biltzar horretan Euskal Unibertsitatea eskatu zen eta, hara non, Guardia Zibilak, geroago Eusko Jaurlaritzaren Lehendakari izango zen Jesus M.^a Leizaola jauna eta baita Ramirez Olano jauna ere, *Euzkadi* egunkariaren zuzendaria, atxilotzen dituen eta Zor-otzaraino oinez eramaten.



Jesusi ez zitzaion gertatua sekula ahaztuko eta Leizaola jaunari berari kontatu omen zion haren azken urteetan.

Hamaika urte zituelarik, 1925ean, gurasoak Bilbora aldatu ziren eta Jesus, aitaren arloa hartzekotan, 1931ko urrian Deustuko Unibertsitatean sartu zen Legeak ikastera. Zenbait gora-beheraren ondoren, 1936an amaitu zituen bere ikasketak.

Ikasle aldi horretan Eusko Ikasle Batzaren partaide egingo da, 1932an, eta 1934an Bizkaiko Batzordearen Idazkari izendatuko dute. Eusko Ikaskuntzatik Euskal Unibertsitatearen eta Estatutuaren alde saiaturiko da eta euskara irakasten ahaleginduko, *Euzkadi* egunkarian zenbait kronika tartekatzen dituelarik.

Gerra Zibilaren ondoren, bere aitaren abokatu bulegoan lan egingo du eta 1943an Abokatuen Bazkunean sartuko da, Bazkun horren Zuzendaritzako izango delarik 1962tik 1982ra, hogeitertan.

Euskal Foru Zuzenbidea hausnartuko du eta bere sustraietan sakonduko 1979an Foru Zuzenbidearen Astea antolatuz eta 1992ko Euskal Herriko Foru-Zuzenbide Zibilari buruzko Legea bultzatuz.

Bost urtetan jardun zuen Auzimaixu ordezko, eta Bizkaiko Aurrezki Kutxaren kontseilari izan zen Lanbide Bazkunen ordezkarri. Herri baten etorkizunaren bideragarritzat herri horren kulturak duen garrantzia azpimarratuko du eta, horregatik, euskal kulturaren murgilduko da eragile bezala. Euskaltzain urgazle izendatua 1965eko irailaren 24ean eta denok ikusi dugu, sarri, hutsik egin gabe, Euskaltzaindiaren bileretara hurbiltzen, zintzo, ixil eta apal, irriparre zabalez guztiok agurtuz.

Zeanurin, bere herrian, Zulaibar Lan Ikastegia bideratzeari ekingo dio 1965ean Zuzendari Batza osatuz eta behar ziren diru iturriak eskuratuz. Euskerazaleak elkartea sortuko du 1967ean eta lehen buru izango da 1977era arte. Elkarre horri Asociación de Amigos del Vascongado jarri nahi izan zitzaion erderaz, baina Jesus aurka ateratzen euskeraren Amigo euskaldun orok behar zuela-eta. Horregatik, erderaz, Asociación para el Fomento del Euskera, izenarekin gelditu zen.

Euskalerrriaren Adiskideen Elkartearen sartuko da 1969an eta Bizkaiko Batzordearen idazkari izango 1977tik 1997ra, azken hogeitertan.

Elkarre honetan lan oparoa utzi du Jesusek, bere mintzaldi guztietan euskara erabiliz. Deustuko Unibertsitateko Euskal Antropologi Astearen hauspo izan zen, Bizkaia XXI. mendearen aurrean eratu zuen, Foru Zuzenbidearen Mintegia ernarazi eta, 1976an, 1937an deuseztatu Ekonomi Itunbena berriz indarrean jartzeko Bilboko Merkataritza Ganbaran atondu taldearen partaide izan zen.

Jesus Oleaga Etxeberria aurrean hil zaigu, 1998ko urtarrilaren 6an, Erregeen Egunean, bere egunak bukatzean Euskal Herriaren etorkizuna gogoan zuela.

Bere egin zuen apostoluaren hiltartitz eder hau:

Bonum certamen certavi, cursum consummavi, fidem servavi.

Abel Muniategi